

哮喘新說

除根
卷上

澄江郭綸

柏良編輯

長子少柏
次子德潤

全校

總論

哮喘之病，有內因，有外因，有不內外因。內因者，心腎之氣上逆，則肺氣逆而不降也。外因者，風寒等六氣聚於肺表，肺氣促而上逆也。不內外因者，心肺腎三臟素虧，而復感觸六氣，致肺氣不得下降，逆而上升也。凡此種種，所現之病狀不一，所擬之方亦不一。有寒，有熱，有發散，有溫補，西學則有鎮欬化痰降氣強心諸法。每因原因不一，治法各異，遂致議論龐雜，莫衷一是。此非所謂議論多而成功少歟。愚嘗引以爲憾。然夷考哮喘之病，有甲服某藥而愈，乙服某藥而不效，或甲受某種感觸而發，乙則不然。諸如此類，醫無成法，藥

無專劑。故雖終其身而不能愈。較之他症爲難治。但簡有兩大綱領可求。大綱者何。虛實也。若於虛實中求之。則不難水落石出矣。一面更須求其虛虛實實。虛中有實。及實中有虛。於是則按症而施治。投之而霍然矣。蓋經謂虛則治其本。實則治其標。有本虛而標實。有標虛而本實。本虛而標實者。先治其本。緩治其標。標虛而本實者。先治其標。緩治其本。如是則標本兼顧。虛實得體。雖不命中。當亦不遠矣。餘如寒者溫之。熱者清之。實則瀉之。虛則補之。此在善治病者。臨機以應變耳。茲將哮喘病因病象療法方藥考證一一述之於下。以供留心是症者之研究。

病名

呼吸急促者謂之喘。喉中有聲響者謂之哮。喘有氣喘。痰喘。水喘。火喘。風寒喘。腎虛喘。胃虛喘。肺氣喘。心氣喘。哮則有風哮。痰哮。寒包熱哮。冷哮。水哮。食哮。鹹哮。甜哮。烟煤哮。油氣哮。鷄鴨哮。毒猩哮。酒哮。醋哮等別。

病因

哮喘之症，原因不一，大都感於幼稚之時，客犯鹹酸，滲透氣管，偶遇風寒，而氣管發生變化，致氣道窒塞，氣息急促，亦有表寒束於外，鹹酸飲食傷於內，火炎鬱於上，七情傷於中，心房脹大，腎火虧耗，爲其厲階，經云：諸病喘滿，皆屬於熱，東垣謂衝脈之氣上形於胸中，入門云：胃虛而氣上逆，真元耗損，喘生於腎氣之上奔，凡此種種，皆屬哮喘之因，茲分條述之，以明究竟。

- (一) 喘因腎虛氣促不下者，或因氣自小腹下起而上逆者，但經微勞，或饑時即發。
- (二) 氣喘者，驚恐憂氣，惕惕悶悶，引息鼻張，脈大速疾，呼吸急促而無痰聲。
- (三) 胃氣虛者，抬肩擗項，喘而不休。
- (四) 心房脹大，喘促而欬逆呻吟，右心房及乳下動脈跳甚。
- (五) 臥則喘者，是水氣之客於心肺也。

(六)水氣瀰瀰有聲怔忡者爲水喘。

(七)喘因寒邪入肺者，則病皮膚痛，上氣喘欬，動肩背，因背受寒邪，關竅不通，呼吸不利也。

(八)腎火不足，痰飲聚於胃，關於肺，喘欬連續，天寒則甚。

(九)熱甚煩渴多汗喘促。

(十)喘而有痰聲，時發時止。

(十一)胃中有實火，膈上有粘痰，哮喘痰嘶。

(十二)晚食飽則入夜而氣喘甚，則不得臥。

(十三)胃氣上逆則肺脹而喘。

(十四)肺虛如器而不容物，痰熱實之，則氣不得宣，呼吸壅滯，而哮喘也。

(十五)水氣乘肺而爲水喘。

(十六)喉中如水雞聲，氣促而連續不息，汗下如雨，不得平臥，呷呀連續，哮喘不已，此肺

氣實而不降，成爲哮喘。

(十七)少陰所爲嘔欬上氣喘者，陰氣在下，陽氣在上，諸陽氣浮，無所依從，故嘔欬上氣喘也。

總之喘病大別之有三大原因：(一)哮喘即肺氣喘也，如3 5 6 7 9 10 11 12 13 14 15 16等條；(二)心喘即心氣喘也，如2 4等條；(三)腎喘即腎氣喘也，如1 8 17等條之別。

治法

哮喘不一，治法各異。寒則熱之，熱則寒之，風者散之，逆者降之，壅者宣之，虛者補之。此大法也。其初學與經驗不足者，則不能識其爲寒爲熱，而治之不當，遂有毫厘千里之別。茲將治法一一臚列，以便對症施治。

哮喘遇冷而發者有二證：一屬中外皆寒，用東垣方參蘇溫肺湯，調中益氣加茱萸湯，及紫金丹，劫去寒痰者是也。一屬寒包熱，用仲景越婢加半夏湯等發表諸劑，及預於八九